



# Халқ сўзи

Ўзбекистон — келажаги буюк давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 29 ноябрь, № 256 (8318)

Сешанба

Сайтимизга ўтиш учун QR-кодни телефонингиз орқали сканер қилинг.



## ЎЗБЕКИСТОН РЕСПУБЛИКАСИ ПРЕЗИДЕНТИ РОССИЯ ДАВЛАТ ДУМАСИ РАИСИ БИЛАН УЧРАШУВ ЎТКАЗДИ

Ўзбекистон Республикаси Президенти Шавкат Мирзиёев 28 ноябрь куни Россия Федерацияси Федерал Мажлиси Давлат Думаси Раиси Вячеслав Володин бошчилигидаги Россия парламент делегациясини қабул қилди.



Учрашув аввалида Вячеслав Володин давлатимиз раҳбарига Россия Федерацияси Президенти Владимир Путиннинг саломи ва энг эзгу тилаklarини етказди. Ўзбекистон ва Россия ўртасидаги кенг қамровли стратегик шериклик ва иттифоқчилик муносабатларини янада чуқурлаштириш, сиёсий, савдо-иқтисодий ва маданий-гуманитар соҳалардаги ҳамкорликни

ривожлантириш масалалари муҳокама қилинди. Кейинги йилларда парламентларо мулоқотлар жадал суръат қасб этгани, Ўзбекистон ва Россия ҳудудларида янги форматдаги — икки мамлакат парламентларининг палата ва қўмиталари раҳбарлари даражасида учрашувлар ўтказиш амалиёти жорий қилингани алоҳида қайд этилди.

Янги ташкил этилган Ҳамкорлик бўйича парламентларо комиссия фаолияти икки томонлама алоқаларни янада мустаҳкамлаш ҳамда қўнғичлик фаолиятини ташкил этиш соҳасида тажриба алмашишни кенгайтиришга хизмат қилиши таъкидланди. Иқтисодий ҳамкорликнинг ижобий натижалари мамнуният билан қайд этилди.

Жорий йилнинг бошидан буён икки томонлама товар айирбошлаш учдан бирга ошди. Россия инвестицияларини жалб қилган ҳолда Ўзбекистонда нефть-газ, энергетика, кон-металлургия, қишлоқ хўжалиги тармоқларида қўшма лойиҳалар муваффақиятли амалга оширилмоқда. Икки мамлакат ҳудудлари ўртасида

ишбилармонлик алоқалари изчил кенгайтириб бормоқда. Маданий-гуманитар йўналишда, энг аввало, олий ва ўрта таълим ҳамда туризм соҳаларида самарали ҳамкорлик ривожлантирилмоқда. Россия делегацияси аъзолари Ўзбекистонда амалга оширилаётган ислохотлар жараёнида ижтимоий-иқтисодий ри-

вожланиш, ёшлар тарбияси, соғлиқни сақлаш салоҳиятини ошириш, шаҳар ва қишлоқлар инфратузилмасини модернизация қилиш борасида рўй берган ўзгаришларни юксак баҳолади.

ЎзА.

Ўзбекистон Республикаси Президенти Матбуот хизмати суратлари.

## ТЕЗЮРАР ПОЕЗД НУКУСГАЧА БОРАДИ

Президент Шавкат Мирзиёев 28 ноябрь куни Бухоро — Урганч — Хива темир йўлини электрлаштириш лойиҳаси бўйича тақдимот билан танишди.

Мамлакатимизда транспорт тармоқлари изчил ривожлантириб келинмоқда. Хусусан, 2018 йилда Бухоро — Мискин темир йўли қурилиб, Хивагача масофа 242 километрга қисқарган эди. Шу билан бирга, электр поездининг умумдирлиги 4,5 баробар юқорилигини инobatга олиб, мавжуд темир йўллар электрлаштирилмоқда. Сўнги йилларда Қарши — Китеб, Поп — Наманган — Андижон ҳамда Қарши — Термиз йўналишлари электрлаштирилди.

Давлатимиз раҳбари хоразмликлар билан учрашганда 2024 йилда Хивага тезюрар электр поезди йўлга қўйилишини айтган эди ва бу режа Ўзбекистон Республикасининг 2022 — 2026 йилларга мўлжалланган инвестиция дастурига киритилди. Шу тариқа, Бухоро — Урганч — Хива темир йўлини электрлаштириш бошланди. Тақдимотда бу ишларнинг бориши ва қулаётган натижалар ҳақида ахборот берилди. Мазкур лойиҳанинг қиймати 445 миллион доллар. Шундан 270 миллион доллар Осие таракқиёт банки ва Осие инфратузилмавий инвестициялар банкидан жалб этилади. Лойиҳа доирасида Бухородан Хивагача бўлган 465 километр темир йўл тармоғи электрлаштирилади, бекат, нимстанциялар ва бошқа иншоотлар қурилади.

Йўлнинг самардорлиги, шунга яраша, анча ошади. Масалан, поездларнинг юқори тезлиги соатиға 250 километргача бўлади. Натижада йўловчиларнинг Тошкентдан Урганчгача етиб бориш вақти 14 соатдан 6 соатга, Бухородан Хивагача 8 соатдан 3 соатгача қисқаради. Бу халқимизга катта қулайлик яратиб, туризм ривожига ҳам муҳим омил бўлади.

Тезлик эвазига темир йўлнинг ўтказувчанлиги ҳам ошади. Юк ташини имконияти йилига 11 миллион тоннагача,

йўловчилар сони 2 миллион 300 минг нафарга етади. Поездлар электр энергиясида юриши ҳисобига йилига 18 минг тонна дизел ёнилғиси тежалди.

Давлатимиз раҳбари лойиҳанинг сифатли бўлишига алоҳида аҳамият қаратди. — Аввалги лойиҳаларда мутахассисларимиз анча тажриба орттириди, чет эллик консултантлар ҳам жалб этилди. Энди асосийси — ишни сифатли бажариш. Бу йўлни қанча яхши қилсак, халқимизга шароит, туристлар учун қулайлик, иқтисодиётимизга манфаат бўлади, — деди Шавкат Мирзиёев.

Бухоро ва Хоразм вилоятлари ҳокимларига тезюрар поезд ўтадиган туман ва шаҳарларда йўл бўйи хизматларини ташкил этиш бўйича топшириқ берилди. — Темир йўл борган жойга маданият боради, хаёт жонланади. Шундай экан, бекатлар атрофида, худди автомобиль йўлларида бўлганидек, савдо ва хизмат шохобчаларини кўпайтириш керак. Яна бир вазифа — темир йўл бўйлаб чўл иклимига мос дархат ва буталар экиш зарур. Бу ҳам ҳудуд экологиясига таъсир қилади, ҳам йўл бўйларига кўрк бағишлайди, — деди давлатимиз раҳбари.

Президентимиз мутасаддиларга ҳозирги лойиҳага ҳамоҳанг тарзда, Нукус шаҳригача бўлган темир йўлни ҳам электрлаштириш бўйича кўрсатма берди. Бунинг натижасида Тошкент билан Нукус ўртасидаги қатнов вақти 16 соатдан 7 соатгача қисқаради. Тадбирда қайта тикланувчи энергия манбаларидан фойдаланишни кенгайтириш, давлат ташкилотлари биноларида қуёш панеллари ўрнатиш, аҳолини бу борада рағбатлантириш масалалари бўйича ҳам топшириқлар берилди.

ЎзА.

## Ўзбекистон Республикаси Президентининг ФАРМОНИ ЖИНОЯТЛАРНИ ТЕРГОВ ҚИЛИШ СОҲАСИДА МАЛАКАЛИ КАДРЛАРНИ ТАЙЁРЛАШНИНГ СИФАТ ЖИҲАТИДАН ЯНГИ ТИЗИМИНИ ЖОРИЙ ЭТИШ ТЎҒРИСИДА

Мамлакатимизда тергов фаолиятида "Инсон кадри учун" деган эзгу гоани тўлиқ рўйбга чиқариш, жиноятларни ўз вақтида фош этишни ташкил этиш тергов органларининг фаолиятини қонун устуворлигини ва қилмиш учун жазо муқаррарлигини таъминлаш тамойили асосида такомиллаштиришнинг муҳим вазифаларидан бири ҳисобланади.

Шу муносабат билан соҳада амалга оширилаётган ислохотлар ва замон талабларига жавоб берадиган тергов соҳасидаги юқори малакали мутахассисларни тайёрлаш ва қайта тайёрлаш тизимининг самарадорлигини тубдан ошириш талаб этилмоқда.

Янги Ўзбекистон шароитида жиноятларни тергов қилиш соҳасида малакали кадрларни тайёрлаш ва қайта тайёрлаш амалиётини сифат жиҳатидан янги босқичга олиб чиқиш, ушбу йўналишга илғор халқаро стандартлар ва замонвий ахборот технологияларини кенг жорий этиш ҳамда ҳуқуқчи муҳофаза қилувчи органларнинг юқори малакали кадрларга бўлган эҳтиёжини қондириш мақсадида:

1. Бош прокуратура, Ички ишлар вазирлиги, Давлат хавфсизлик хизмати, Миллий гвардия, Давлат божхона қўмитаси ва Адлия вазирлигининг қуйидаги тақлифлари маъқуллансин:

Бош прокуратура Академияси негизида

Ўзбекистон Республикаси Ҳуқуқчи муҳофаза қилиш академиясини (кейинги ўринларда — Академия) ташкил этиш ҳамда унда жиноятларни тергов қилиш соҳасида кадрларни амалиёт билан узвий боғлиқлигини таъминлаган ҳолда ягона ёндашув асосида тайёрлашга қаратилган узлуксиз ўқув тизимини йўлга қўйиш; Тошкент давлат юридик университетининг Ихтисослаштирилган филиалини (кейинги ўринларда — Ихтисослаштирилган филиал) тугатиш ҳамда унинг штат бирликлари, ўқув ва моддий-техника базасини Академияга ўтказиш.

(Давоми 2-бетда).

### Мулоқот

## ХАЛҚАРО ВА МИНТАҚАВИЙ АҲАМИЯТГА МОЛИК ЙЎНАЛИШЛАР ЮЗАСИДАН ФИКР АЛМАШИЛДИ

Ўзбекистон Республикаси Олий Мажлиси Сенати Раиси Танзила Норбоева Россия Федерацияси Федерал Мажлиси Давлат Думаси Раиси Вячеслав Володин билан учрашди.

Учрашувда томонлар икки мамлакат ўртасидаги алоқалар, хусусан, савдо-иқтисодий, инвестициявий, инновацион, транспорт-логистика, агросаноат, илмий-техник соҳаларда истиқболли лойиҳаларни илгари суриш, таълим ва маданий-гуманитар алмашинувларни кенгайтириш ҳамда парламентларо ҳамкорлик масалаларини муҳокама қилдилар.

Сенат Раиси Т. Норбоева икки давлат ўртасидаги парламентларо ҳамкорликка тўхталаркан, жорий йилнинг октябр ойида Самарқанд шаҳрида бўлиб ўтган Мустақил Давлатлар Ҳамдўстлиги Парламентларо Ассамблеяси кузги сессияси МДҲ парламентлари ўртасидаги алоқаларда мутлақо янги даврни бошлаб берганлигини алоҳида эътироф этди.

Уз навбатида, Россия Федерацияси Федерал Мажлиси Давлат Думаси Раиси В. Володин парламентларо имконияти доирасида иккала давлат раҳбарлари даражасида қабул қилинган қарорларнинг ижросини таъминлаш муҳимлигини таъкидлаб, бугунги кунда Ўзбекистон Россиянинг муҳим иқтисодий шериги эканлигига, мамлакатлар ўртасида савдо айланмаси ўсаёт-

ганлиги ва бундан келиб чиқиб, транспорт, саноат, туризм ва бошқа соҳаларда алоқаларни кучайтириш зарурлигига ургу берди.

Мулоқот давомида халқаро парламентларо ташкилотлар доирасида ҳамкорликни янада мустаҳкамлаш муҳимлиги қайд этилди.

Шунингдек, учрашувда халқаро ва минтақавий аҳамиятга молик долзарб масалалар юзасидан фикр алмашилди.

«Халқ сўзи».

Мулоқот давомида халқаро парламентларо ташкилотлар доирасида ҳамкорликни янада мустаҳкамлаш муҳимлиги қайд этилди.

Шунингдек, учрашувда халқаро ва минтақавий аҳамиятга молик долзарб масалалар юзасидан фикр алмашилди.

### Парламент дипломатияси

## СТРАТЕГИК ШЕРИКЛИК АЛОҚАЛАРИ ЯНАДА МУСТАҲКАМЛАНАДИ

Кейинги йилларда мамлакатимизда халқаро алоқаларни мустаҳкамлаш, конструктив ташқи сиёсат олиб боришда парламент дипломатияси ҳам муҳим ўрин тутмоқда. Бунда хоржик давлатлари парламентлари билан дўстлик гуруҳлари имкониятларидан кенг фойдаланишга алоҳида эътибор қаратиляпти.

Кеча Ўзбекистон Республикаси Олий Мажлиси Қўнғичлик палатаси Спикери Нуриддин Исмоилов Россия Федерацияси Федерал Мажлиси Давлат Думаси Раиси Вячеслав Володин бошчилигидаги делегация аъзолари билан учрашди.

Таъкидланганидек, Ўзбекистон ва Россия ўртасидаги икки томонлама муносабатлар барқарор, дўстона тарзда ривожланаётди. Икки давлат раҳбарларининг яқин муносабатлари, барча соҳадаги ўзаро ишонч парламентларо ҳамкорликни янада чуқурлаштириш ҳамда кенгайтиришда муҳим омил бўлмоқда. Айниқса, кейинги йиллардаги олий даражадаги ташрифлар якунида Ўзбекистон Республикаси ҳамда Россия Федерацияси ўртасидаги алоқалар ўзаро муносабатлар тарихида бутунлай янги босқичга кўтарилди.

Мулоқотда Спикер Н. Исмоилов томонидан делегация аъзоларига мамлакатимизда Тараққиёт стратегияси асосида ҳаётнинг барча жабҳасида амалга оширилаётган кенг кўламли ислохотлар ҳақида батафсил маълумот берилди. Шунингдек, мамлакатимиз парламентининг қўнғичлик фаолияти, норма ижодкорлиги, фракция ва қўмиталарнинг иш услублари ҳамда парламентаризм соҳасидаги янгиликлар ҳақида сўзлаб берилди.

Учрашувда кейинги йилларда икки томонлама муносабатларнинг босқичма-босқич ривожланиб бораётгани, мамлакатларимиз ўртасида сиёсий ва иқтисодий соҳалардаги мулоқотларнинг фаоллашгани ижобий баҳоланди.

Конструктив ва ўзаро ишонч руҳида кечган учрашувда Ўзбекистон ва Россия ўртасидаги парламентларо алоқаларни янги мазмун билан бойитиш, қўнғичлик соҳасида тажриба алмашиш масалалари муҳокама қилинди.

Ўз навбатида, В. Володин самимий қабул учун миннатдорлик билдириб, икки томонлама алоқаларни ривожлантиришда муҳим омил бўлган парламентларо ҳамкорликни янада кенгайтириш ва мустаҳкамлаш, шу йўналишдаги мулоқотларни кўпайтириш ҳар томонлама фойдали эканини қайд этди.

Учрашув чоғида Ўзбекистон Республикаси Олий Мажлиси Қўнғичлик палатаси билан Россия Федерацияси Федерал Мажлиси Давлат Думасининг Ҳамкорлик бўйича парламентларо комиссиясини тузишга келишиб олинди ҳамда комиссиянинг Регламентини имзолаш маросими бўлиб ўтди.

Самимий ва конструктив руҳда ўтган учрашувда томонлар парламентларо ҳамкорликни янада ривожлантириш ва мустаҳкамлашга келишиб олдилар.

Россия Федерацияси Федерал Мажлиси Давлат Думаси Раиси В. Володин бошчилигидаги делегация аъзолари Олий Мажлиси Қўнғичлик палатаси Спикери Н. Исмоилов ҳамроҳлигида Галаба бонига ташриф буюрди.

ЎзА.

## ФИНЛЯНДИЯ ТАЖРИБАСИ

МАРКАЗИЙ ЎҚУВ РЕЖАГА АСОСЛАНГАН ТАЪЛИМДАН  
МАРКАЗИДА ЎҚУВЧИ ТУРУВЧИ ТАЪЛИМ ТИЗИМИ САРИ

Президентимиз Шавкат Мирзиёев 25 ноябрь куни Навоий вилоятига ташрифи давомида халқ депутатлари вилоят Кенгаши депутатлари, фаоллар ва ёшлар билан мулоқоти чоғида мамлакатимизда инсон қадр-қимматини юксалтиришга эътибор намунаси сифатида таълим соҳасида амалга оширилаётган ислохотларга алоҳида тўхталиди.

### Семинар

Жумладан, мактабларнинг бошланғич синф ўқувчилари учун Финляндиядан фин

станданти бўйича тайёрланган дарслик китоблар келтирилгани, пойтахтимизда Фин-

ляндиянинг олийгоҳи — Халқаро Нордик университети очилгани, фин эксперт-педагогларининг бизга яқиндан ҳамкор бўлаётганини эътироф этди. Эндилкида муаллимлар ҳам четда эмас, тажрибали фин устозларини тақлиф этиб, ўзимизда ўқитилаётгани, бу саъй-ҳаракатлар келгусида катта ижобий натижалар кўрсатишига ургу берди.

4

3





